



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU STRANKE ZA BOLJE GORAŽDE

Broj: 03-07-6-158/18
Sarajevo, 13. juni 2019. godine

S A D R Ź A J

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole.....	4
Cilj pregleda i kontrole	4
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI.....	5
5.2 PREPORUKE	6

MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Stranke za bolje Goražde za 2017. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2017. godinu, utvrđeno je da je Stranka za bolje Goražde prekršila odredbe člana 11. stav (1), člana 12. stav (1) i (4) i člana 13. stav (1) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Stranke za bolje Goražde za 2017. godinu.

Pregled i kontrola finansijskih izvještaja provedeni su u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka. Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranke za bolje Goražde se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	7.911,14	100,00
8.	Prihodi od propagande (3-g)	0,00	0,00
I	Ukupni prihodi (1-8)	7.911,14	100,00
II	Ostali prihodi i drugo	0,00	0,00
	Izvori finansiranja (I+II)	7.911,14	100,00

U godišnjem finansijskom izvještaju stranka je iskazala rashode u ukupnom iznosu od 7.863,17 KM.

2. PREDSTAVLJANJE POLITIČKE STRANKE

Naziv političke stranke: Stranka za bolje Goražde. Skraćeni naziv je SBG.

Stranka je registrovana kod Općinskog suda u Goraždu, Rješenjem broj: 045-OF1-13-000001 od 23.12.2013. godine.

Sjedište političke stranke je u Goraždu, 43. Drinske brigade bb.

Lice ovlašteno za zastupanje stranke je Esed Radeljaš, predsjednik.

Lice ovlašteno za podnošenje finansijskih izvještaja za 2017. godinu je Wand d.o.o.

Politička stranka je u finansijskom izvještaju konstatovala da ima niže nivoe organizovanja, ali ih u okviru organizacione strukture nije navela.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Stranke za bolje Goražde za 2017. godinu.

Cilj pregleda i kontrole je da revizor na bazi finansijskih izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju

političkih stranaka. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Stranke za bolje Goražde obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskim izvještajima sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila preglede finansijskih izvještaja Stranke za bolje Goražde za 2014. i 2015. godinu, nakon su izdati izvještaji o pregledu sa mišljenjem revizora, nalazima revizije i preporukama političkoj stranci nakon izvršenog pregleda za 2014. godinu: da vodi adekvatne evidencije o svojim rashodima i da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i iste podnosi u rokovima propisanim Zakonom o finansiranju političkih stranaka i Izbornim zakonom BiH.

Stranka za bolje Goražde Centralnoj izbornoj komisiji BiH nije podnijela finansijski izvještaj za 2016. godinu, niti je revizorima Službe za reviziju omogućila pristup svojim prostorijama radi obavljanja revizije finansijskog poslovanja, pa joj je u skladu sa dredbom iz člana 10. stav (8) Zakona o finansiranju političkih stranaka, Odlukom broj: 03-07-6-59/18 od 26.04.2018. uskraćeno pravo da se kandiduje na narednim izborima, odnosno Općim izborima 2018. godine.

Nerealizovane preporuke:

Na osnovu uočenih nedostataka u godišnjem finansijskom izvještaju za 2017. godinu, utvrđeno je da politička stranka nije ispoštovala ranije date preporuke revizije.

5. NALAZI I PREPORUKE

5.1 NALAZI

a) Pregledom godišnjeg finansijskog izvještaja je utvrđeno da je Stranka za bolje Goražde prekršila odredbe člana 11. stav (1) i člana 12. stav (1) i (4) Zakona o finansiranju političkih stranaka.

Na osnovu finansijskog izvještaja, finansijske dokumentacije koju je dostavila politička stranka i revizijskih dokaza pribavljenih iz eksternih izvora, utvrđeno je da stranka nije vodila poslovne knjige u skladu sa računovodstvenim propisima¹, nije uspostavila pravilne evidencije o svojim prihodima, rashodima i obavezama² i godišnji finansijski izvještaj nije podnijela na način kako je propisala Centralna izborna komisija BiH³.

- Politička stranka je, suprotno računovodstvenim propisima i odredbama člana 11. stav (1) i člana 12. stav (1) i (4) Zakona o finansiranju političkih stranaka, te odredbama člana 13. i člana

¹ U skladu sa odredbom člana 11. stav (1) Zakona o finansiranju političkih stranaka, politička stranka je dužna voditi poslovne knjige u skladu sa računovodstvenim propisima.

² U skladu sa odredbom iz člana 12. stav (1) ovog Zakona dužna je uspostaviti evidencije o svim prihodima i rashodima

³ U skladu sa odredbom iz člana 12. stav (4) Zakona, politička stranka podnosi finansijski izvještaj u formi koju odobri Centralna izborna komisija BiH.

19. Pravilnika o godišnjim finansijskim izvještajima političkih stranaka (u daljem tekstu: Pravilnik), prijavila prihod u iznosu od 1.200,00 KM, koji nije ostvarila.

Uvidom u finansijsku dokumentaciju utvrđeno je da je stranka u poslovnim knjigama i finansijskom izvještaju kao prihod iz budžeta, u iznosu od 1.200,00 KM, iskazala povrat svojih sredstava, odnosno povrat takse, koju je uplatila u prethodnoj godini za ovjeru za učešća na Lokalnim izborima 2016. godine.

- U finansijskom izvještaju za 2017. godinu, koji je podnijela Centralnoj izbornoj komisiji BiH, Stranka za bolje Goražde nije izvršila klasifikaciju troškova u skladu sa odredbama člana 22. Pravilnika.

Stranka je u izvještaju prijavila troškove električne energije u iznosu od 3.419,74 KM. Uvidom u poslovne knjige i ugovor o zakupu, utvrđeno je da je stranka ostvarila troškove električne energije u iznosu od 279,24 KM, troškove zakupa poslovnog prostora u iznosu od 2.520,00 KM i troškove materijala u iznosu 620,50 KM, a sve ih je iskazala u jednom iznosu kao trošak električne energije.

- Politička stranka je u finansijskom izvještaju navela da nema nikakvih finansijskih obaveza. Međutim, uvidom u poslovne knjige utvrđene su obaveze stranke po osnovu finansijske pozajmice u iznosu od 600,00 KM. Neprijavlivanjem obaveze u finansijskom izvještaju stranka je prekršila odredbe člana 24. Pravilnika.

b) Politička stranka je prekršila odredbe člana 13. stav (1) Zakona o finansiranju političkih stranaka⁴.

U finansijskom izvještaju, koji je Stranka za bolje Goražde podnijela Centralnoj izbornoj komisiji BiH, kao lice ovlašteno za finansijske izvještaje navedeno je pravno lice Wand d.o.o., iako je u članu 9. stav (1) tačka j) Pravilnika jasno navedeno da to treba biti fizička osoba, za koju se u izvještaju navodi ime i prezime.

5.2 PREPORUKE

Preporučuje se Stranci za bolje Goražde da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da uspostavi pravilne i tačne evidencije o prihodima, rashodima i obavezama,*
- *da poslovne knjige vodi u skladu sa računovodstvenim propisima,*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i da*
- *da imenuje fizičko lice, koje je ovlašteno i odgovorno za vođenje poslovnih knjiga političke stranke.*

KOMENTAR:

Stranka za bolje Goražde nije se u datom roku očitovala na nalaze revizije. Međutim, nakon isteka roka za očitovanje, stranka se putem e-maila obratila stručnom saradniku za odnose sa javnošću Centralne izborne komisije BiH, te u svom obraćanju navela da je imenovala lice ovlašteno za

⁴ Politička stranka je obavezna imenovati ovlašteno lice koje je odgovorno za vođenje poslovnih knjiga političke stranke, podnošenje finansijskih izvještaja i koje je ovlašteno da kontaktira sa Centralnom izbornom komisijom BiH.

finansijske izvještaje stranke i da će u kraćem roku otkloniti nedostatke u poslovnim knjigama i finansijskom izvještaju.

Obzirom da politička stranka nije dostavila nikave dokaze o otklonjenim prekršajima, nalaz revizije iz preliminarnog izvještaja je ostao nepromijenjen.

Pomoćnik revizora

Mr.sc. Goran Cicović

Šef Službe za reviziju, revizor

Mr.sc. Hasida Gušić